

2. gr.

Bótaskyld fjártala hvers fjáreiganda, eins og hún verður ákveðin samkvæmt 1. gr. skal vera til grundvallar fyrir rétti hans til þess að fá líflömb og einnig fyrir rétti hans til bóta úr rikissjóði vegna fjárskipta.

3. gr.

Hver fjáreigandi á rétt á að fá líflömb fyrir 70% af bótaskyldri fjártölu og skal, er unnt er, útvega $\frac{1}{2}$ af þeim það haust, sem fjárskipti fara fram, en $\frac{1}{4}$ næsta haust á eftir. Kostnað við flutning líffjár inn á fjárskiptasvæði greiðir rikissjóður og einnig aðstoð sauðfjársjúkdómanefndar vegna kaupanna. Þetta gildir þó eigi um annað fé en það, sem fengið er til að bæta í skarðið fyrir bótaskyldt fé. Kostnað við umsjón fjárskiptafélaga vegna líffjárkaupa greiði fjáreigendur sjálfir.

4. gr.

Framlag ríkisins fyrir hverja bótaskylda kind nemur hálfu lambsverði samkvæmt verði líflamba það haust, sem fjárskipti fara fram. Það skal greitt fjáreigendum ári eftir að fjárskipti fóru fram, en vera skal það til tryggingar greiðslu á andvirði seldra líflamba. Bætur þessar skal greiða, hvort sem aðili hefur tekið líflömb eða ekki, enda auki sá sem ekki tekur líflömb búrekstur sinn, sem fjárföguninni svarar, í nautgriparækt eða á annan hátt í stað sauðfjárræktarinnar.

5. gr.

Ef nauðsynlegt verður samkvæmt ákvörðun sauðfjársjúkdómanefndar að hafa einhver svæði sauðlaus árlangt, eftir að niðurskurður hefur farið fram, skal ríkissjóður greiða fjáreigendum, vegna afurðatjóns, hálf t lambsverð fyrir hverja bótaskylda kind það ár, sem svæðið er sauðlaust, að öðru leyti skal framlag greitt eins og segir í 4. gr.

Reglugerð þessi staðfestist hér með samkvæmt lögum nr. 44 9. maí 1947, til þess að öðlast þegar gildi.

Atvinnumálaráðuneytið, 19. ágúst 1948.

Bjarni Ásgeirsson.

Gunnl. E. Briem.

REGLUGERÐ

um happdrættislán ríkissjóðs.

1. gr.

Ríkissjóður gefur út happdrættisskuldabréf, samtals að fjárhæð fimmtán milljónir króna, til sölu innanlands.

2. gr.

Skuldabréfin, sem eru að fjárhæð eitt hundrað krónur hvert, falla í gjalddaga að fimmtán árum liðnum frá útgáfudegi þeirra.

3. gr.

Af skuldabréfunum eru ekki greiddir vextir, en vinningum er úthlutað í samræmi við útdrátt úr öllum skuldabréfum lánsins.

Dregið skal um vinninga og þeim úthlutað tvisvar á ári, í fyrsta sinn 15. október 1948, og síðan á hálfis árs fresti, þar til lánið verður endurgreitt.
Notarius publicus í Reykjavík framkvæmir útdrátt.

Vinningum skal úthlutað samkvæmt skrá þeirri, sem hér fer á eftir:

1	vinningur,	75 000	krónur,	=	75 000	krónur.
1	—	40 000	—	=	40 000	—
1	—	15 000	—	=	15 000	—
3	vinningar,	10 000	—	=	30 000	—
5	—	5 000	—	=	25 000	—
15	—	2 000	—	=	30 000	—
25	—	1 000	—	=	25 000	—
130	—	500	—	=	65 000	—
280	—	250	—	=	70 000	—

461 vinningur.

Samtals 375 000 krónur.

Skuldabréfin eru gefin út á handhafa og má ekki skrá þau á nafn.

Vinningar eru undanþegnir öllum opinberum gjöldum öðrum en eignarskatti.

Reglur XIX. kafla laga nr. 85 frá 23. júní 1936, um mál til ógildingar skjala o. fl., gilda ekki um skuldabréf samkvæmt reglugerð þessari.

Reglugerð þessi, sem sett er samkvæmt heimildum Alþingis um lántökur ríkissjóðs, og bráðabirgðalögum um skattfrelsi vinninga o. fl. varðandi fyrirhugað happdrættislán ríkissjóðs, útgefnum 17. ágúst 1948, öðlast þegar gildi.

Fjármálaráðuneytið, 20. ágúst 1948.

Jóhann Þ. Jósefsson.

Magnús Gíslason.

AUGLÝSING

um staðfestingu félagsmálaráðuneytisins á samþykktum byggingar-samvinnufélaga.

Samkvæmt lögum nr. 44 7. maí 1946, um opinbera aðstoð við byggingar íbúðarhúsa í kaupstöðum og kauptúnum, hefur ráðuneytið staðfest samþykktir fyrir eftirgreind byggingarsamvinnufélög:

32. Samþykkt fyrir Byggingarsamvinnufélag Akureyrar, Akureyri. Varnarþing Akureyri. Staðfest 16. október 1947.
33. Samþykkt fyrir Byggingarsamvinnufélag Egilsstaðakaupþúns, Egilsstöðum. Varnarþing Egilsstaðakaupþún í Suður-Múlasýslu. Staðfest 29. október 1947.